

高太史大全集

高太史大全集卷之十三

吳郡高啓季迪著

南州徐庸用理編

五言律詩

送吳縣令遷松陵

山縣彈琴罷江城露冕初夏霖湖更闊朝日市長虛
柳下催耕鼓市間問俗車秋風莫思去客館有鱸魚

寄沈校理

風雨清明後春寒未袂衣閉門聽鳥盡入寺看花稀
獨酌愁難去相思夢欲飛艱難宜數見何事却長違

贈呂醫

藥院閉閑朝烟生積券燒求員遊岳遍訪病出城遙
收穀寧煩僕尋苓或遇樵世方多內熱一匕倘能消

次韵陳留公見貽湖上行屯之作

湖除巡壘罷緩服上仙舟景好看宜晚詩清賦為秋
葉應隨鳥散山欲趁波流亦有東遊興空憐未得酬

雨後飲西園偶然亭

晚酌櫻桃下歡來不奈春那知醉後客猶是亂中人
雨霽飄還細花寒破未勻江臯舊遊處回首莫沾巾

隣家桃花

春色東家出相窺似有心曲垣遮自短別院關還深
影動疑人折香榭妬蝶尋好風時解意吹片裊羅襟

和王校理夜坐

池暝花如霧蒼蒼月照開梁空雙燕睡簾情一縷來
兵散誰家笛人違此夜杯如何對清景愁思却相催

吞陳校書客懷

同患君尤甚時難覺意真愁邊長夜酒懷裏少年春
遊遠荒家業交踈困露塵一杯歌短調誰聽不沾巾

酬余左司

門巷接垂楊同隣忘異鄉兒親欣見熟僕立厭言長
讀借風床簡炊分雨碓梁亂來成久別能不為情傷

宿道王蘭若

借榻到僧扉雖安未是歸曉禽愁雪意夜篠助風威
燭盡思燃帶衾寒起覆衣不知孤棹去明夕更何依

與詩客七人會飲余司馬園亭

情與酒兼和園亭駐晚珂家同榆社近人比竹林多
短景催長宴醒吟雜醉歌亂離歡易失無厭數相過

登西澗小閣

層檻構雲半清寒灑客袍石稜添澗險閣勢借峰高
風竹驚棲鳥霜藤纏飲猿欲題因境勝不敢易揮毫

江上荅徐卿見贈

煙樹近松陵，扁舟晚獨乘。
江黃連渚霧，野白滿田冰。
往事愁人問，虛名畏客稱。
無才任蕭散，敢望鶴書徵。

除夕客中與家兄守歲

雨雪遠村中，猿鳴旅館空。
守爐銷夜漏，停燭待春風。
有恨能催老，無文解送窮。
却憐今夕酒，還與弟兄同。

南溪晚歸

流水出雲根，遙通古寺門。
山深僧少俗，人靜市如村。
馬渡知長淺，魚行見不渾。
多情溪上月，歸路照黃昏。

丁孝廉惠冠巾

知試山人服，冠巾遠寄重。
佳名因子夏，舊製學林宗。
栗映秋吟髻，歌宜晚醉容。
朝替今已解，期上華陽峯。

西園間興二首

看到竹過隣園林，獨卧身鳥聲。
閒似野人意，倦知春殘雨。
驚池樹斜陽，照隙塵如何。
堂上客不及，燕來頻又。

又

當路關追攀，端屋自掩關。
聽鍾知近寺，看畫憶登山。
曉櫺風林下，宵吟雨閣間。
天應憐我懶，獨與少年閒。

送謝茶

涼風起江海，萬樹盡秋聲。
搖落豈堪別，躊躇空復情。

帆過京口渡，砧響石頭城。
爲客歸宜早，高堂白髮生。

步至東臯

斜日半川明，幽人每獨行。
愁懷逢暮條，詩意入秋清。
鳥啄枯楊碎，蟲懸落葉輕。
如何得歸後，猶似客中情。

郊墅雜賦十六首

江水舍西東，隣家是釣翁。
路痕深草沒，井脉暗潮通。
籬隔疏籬邊，雨門開竹下。
風不因時賣，畚何事入城中。

其二

此鄉堪避地，亂後戶翻增。
俗羨嫵欺客，年豐愛施僧。
帶星耕處輒，照雪紡時燈。
且作求田計，元龍豈我能。

其三

幽事向誰誇，孤吟對晚沙。
浣衣江動月，繫艇岸垂花。
行蟻如知路，歸鳬自識家。
一尊茅屋底，隨意荅春華。

其四

春泥衆下路，孤策自扶行。
身賤知農事，心閒見物情。
魚鳴風欲起，牛飯月初生。
漸喜無人識，何煩易姓名。

其五

移家到渚濱，沙鳥便相親。
地僻偏容懶，村荒却稱貧。
犬隨春鱸女，鷄喚曉畊人。
頭得無愁事，閒眠老此身。

其六

紛紛謝人役，寂寥戀吾屋。細雨春寒後，斜陽社飲餘。
岬花飛，越蝶池葉墮，驚魚好了。公家事，休令吏到廬。

其七

路迂橋斷處，門靜犢眠時。孤墅藏群柳，諸田灌一陂。
僮閑春作少，婦懶午炊遲。誰道花源好，還令太守知。

其八

虛閣近鳴湍，應宜把一竿。雨傷春，交爛風折晚蒲乾。
抱甕臨江汲，携書入寺看。自慙何獨幸，世難此偷安。

其九

亂渚交交白，平蕪漫漫青。賣薪沙店遠，斫穀水祠靈。
密雨侵蓑重，微風過網腥。江邊多酒伴，春去不曾醒。

其十

入夜潮侵戶，經秋雨壞垣。里人淳少訟，田父醉多言。
稻蟹燈前聚，莎蟲機下喧。自應耽野趣，不是忘鄉園。

其十一

欲沽嗟市遠，煙火隔江波。客到寒齋少，人歸晚渡多。
汗書燈燼落，驚枕櫓聲過。豈敢愁荒寂，時危免負戈。

其十二

野色迥蒼蒼，蒼門門葉滿。塘僧來雙屐，雨漁卧一船。
霜靜裏脩香傳，閑中錄酒方。平生當世意，到此里成忘。

其十三

紅樹南江近，青山北郭遙。江清日渺渺，林冷髮蕭蕭。
食鱸知最釣，聽歌識暮樵。尋常送歸客，不過水西樓。

其十四

何處可徘徊，林間共水隈。夜歸家犬識，春睡野禽催。
有地唯栽藥，無村不見梅。興來慙獨飲，時喚老農陪。

其十五

狂多愛出遊，日日問江頭。小草皆春意，遙山自晚愁。
酒中時有得，物外復何求。不詠騷人調，靡蕪任滿洲。

其十六

屋似臨邛宅，耕非鄴社田。已償輸稅米，未覓賣文錢。
把卷怜長日，看花愧少年。翛然閉門處，楊柳結樺邊。

采香逕

晨粧出來芳，零露濕紅裳。種徙山中品，熏傳海外方。
抱筐歸蕙逕，焚鼎薦蘭堂。未足娛君寢，西施體自香。

響屧廊

廊虛應屧鳴，響細識腰輕。誰道吳強國，唯銷舉足傾。
苔間滅古跡，月下歇餘聲。此夕人空聽，山僧曳履行。

臨頓里

其一

聞說橋東地高人舊隱居養生應有道覓舉絕無書
愛救粘絲蝶噴驚出水魚時尋戴顓宅自駕短轅車

其二

應愛山齋好秋風不捲茅簷渠侵蝕穴移樹帶禽巢
人世真浮梗吾生豈繫匏不逢皮從事誰結歲寒交

其三

載酒携山榼安琴製石林鳬眠皆傍母蜂去自從王
穀雨收茶早梅天晒藥忙不扶靈壽杖筋力老能強

其四

自少圖名意誰言世不知僧求開寺記客送買山資
細雨魚生子斜陽燕哺兒平生無事迫心苦爲尋詩

其五

斬伐憑樵斧經綸在釣車薄雲還露月小雨不妨花
酒債應多處詩名自一家虛煩時主召懶脫故衣麻

其六

長物元無有何勞大護扉借看高士傳學製道人衣
窓破容螢入船空載鶴歸定緣幽事繞不是宦情微

其七

澹泊心情在蕭疎髻影殘引泉規作沼留笋待成竿
自洗沾泥屐誰收掛壁冠毛公新有約月夜禮天壇

其八

沐罷便輕幘消搖詠晚天清風蘇病鶴驟雨集鳴蟬
舊史堆縑素新經錄洞玄誰知城郭裏別自有林泉

其九

汨汨泉通圃蕭蕭柳映門折花揺樹影踏藕擷蓮根
飢鴨呼歸艦新蚕試浴盆屋前高石在知是舊林孫

其十

茶租催未得菊餌服還能行古時人笑文工造化僧
貧留漁艇載老謝一書徵誰識先生樂攸然卧枕肱

春申君廟

封吳開巨壤相楚服強隣名重三公子謀疎一婦人
畫幃留古像珠履絕遺塵蕭鼓時迎祭還憐舊邑民

吳女墳

魚燈照艷魄夜冷珠衣薄白玉土中埋紅蘭霜後落
不乘臺上鳳空舞橋邊鶴韓重未歸來泉宮秋寂寥

真娘墓

金釵莖小墳楊柳寺前村已斷蒼間信空歸月下覓
山鶯留曲韻草露帶啼痕車馬逢寒食還來酹酒樽

鱸鄉亭

獨上鱸鄉亭秋風南浦生載送黃花句遙思張步兵

天空白水遠日陞赤楓明我亦東歸客一壺宜醉傾
堯峯院

堯帝何年到名猶在此峰岩留千尺井寺寂兩時鐘
僧出因尋箇人來爲看松白雲深洞裏聞有聽經龍

慧聚寺次張祐韵

烟歛城初出朝來野欲吞危樵綠磴角倦衲懸松根
剎表藏林寺鐘聞隔海村畫龍飛去久空掩殿堂門

石屋

雙崖立幽閣一洞開深宇青嶂近爲隣白雲閣作主
不受杜陵風可避河朔暑華棟幾回新渠渠獨千古

贈竹里子

弭楫望迷林閑爲淇澳吟君家不可見但聽煙中禽
日落通雲遠雨餘江水深非同抱清節歲晏後誰尋

送金判官之吳江

送客常苦愁送君愁最劇江爲江上縣近我鄉中宅
霜晴橘熟秋水冷楓飄夕難逐去帆東京華坐微後

漁

泛泛蒼波裏全家寄一船曾來屈澤畔或到杏壇邊
簑帶春江雨柳鳴晚浦烟得魚尋水店換酒不論錢

樵

慣識山中路崎嶇每獨尋穿雲衝過席伐樹起棲禽
斧礪溪邊石衣懸谷口林逢仙休看奕甲子易駸駸

耕

江皋聞布谷荷耜出柴門春暖鳥健快朝晴綠樹繁
深耕行別隴侍饁望前村自得龐公計遺安與子孫

牧

一笛去茫茫平郊綠草長但知牛背穩應笑馬蹄忙
度龍衝朝雨歸村帶夕陽相逢休扶策回首恐忘羊

夜起觀月

一春夜多雨今宵初月明窓間幽夢覺起憶故園行
露下花微委烟中鳥忽鳴誰同賞清景惆悵倚前楹

贈劉醫師

君有抱朴意高齋長宴如壺中仙姥酒按上神農書
蒸米晚烟裏斲茶春雨餘起疾多傳妙慚予才自疎

舟中早行

隆隆津鼓動江火留餘閃人家未起耕近水寒扉掩
船開免鴨散樹吐烟霏飲東郭去方遙青山見孤點

春日懷諸親舊

楊柳燕差差隣家換火時春寒添客思夜雨減蒼枝
涉世悠悠夢懷人的的思出遊無舊侶空館獨題詩

江上見逃民家

清時無事政何事竟拋家隣叟收飢犬途人折好花
林空烟不起門掩日將斜四海今安在歸來早種麻

曉晴東臯步眺

江明片雨收樹暗一村幽籬落疎麻長田畦曲水流
禽聲初變麥氣欲成秋閒步看時物今朝散旅憂
賦得戟門送陳博士

聖廟儼王宮重闕盛衛同儒官趨內外武伐列西東

乍啓鳴鐘始將局徹俎終莫言墻九仞還有此能通

櫻桃

密綠映圓紅枝頭的的同熟迎梅實雨落值柳花風
美女名偏稱流鶯啄啄未空憶曹春薦後捧賜出深宮

金進士葵軒

幽園夏雨歇葵綠乍翻風獨向群芳後閒依萱草麓
數榮午簾側流蘂夜窓中應有傾陽意將軍心正同

次倪雲林韵

雲林已白頭猶有晉風流愛寫滄洲趣閑來玄館遊
茶烟秋淡淡竹雨暮脩脩欲向南池水長流清翰舟

登南樓看雨有懷

清曉看江雨獨登江上樓人烟與草樹蕭瑟滿城秋

砧響寒稍急鴻聲哀更流故人隔楚塞西望忽成愁

晚霞獨酌南樓

倦客豈遷客故鄉非異鄉鱸肥蓴菜紫鴈到柳條黃
湖濶已秋雨樓高猶夕陽登臨何必賦把酒據胡床

餅

春郊起東作來租出柴荆柳下烏犍健桑間布谷鳴
家人供遠餉刺史勸深耕已卜豐年候朝來好雨晴
追挽蔡孝先生二首

關洛遺風在河汾舊業傳書攻藏簡後易究出畝先
晚禁辭持索寒廳戀坐氍毹臨危誰復似身與勑俱全
北闕書空上東川教自陳可當哀亂日後喪老成人
堂靜懸魚絕境荒下馬頻傳家欣有子執筆際昌辰

漁

浮生何處好只在水雲鄉柳起鳴秋月輪收向夕陽
箬蓬幽夢熟銅斗醉詩長不是烟波樂那能與世忘
題宋迪晚烟歸舍圖

落日下嵐嶺行人逢已稀隔烟望田舍映水掩荆扉
鳥亂竹林暗草多秋迳微家人應候我賣畚郭中歸

贈東菴道者

雙樹夾成戶一溪流繞家掃林留送笋汲水帶浮花

經勸里人讀藥從仙客賒已無喧寐念默坐對鳴鴉

五言排律

月夜遊太湖

欲尋林屋隱還過洞庭遊
遠水初涵夜長天盡作秋
湖如青草濶月似白蓮浮
萬壑風傳笛三更斗挂舟
葉應隨鳥散山欲趁波流
浩蕩吾何適鷗夷不可求

詠夏水

寒收凝凍井晚薦納涼
官挹潔存天賔銷炎奪化工
氣蒸金盞潤色映玉盤
空弱藻含猶在纖塵隔未通
非山寧可倚是水復當融
照夜何須月驚秋詎待風
製屏應不穩作珮定難攻
客貌清誰並仙肌瑩自同
宜涵筠簟素愁逼挂爐紅
願解行人渴分貽道路中

題黃鶴仙人畫

何處畫相同湘南與峽東
江來落日外山出抄秋中
綠桂騷人宅青蓮釋子宮
鐘鳴樵谷暗船散市橋空
風樹驚猿落烟蕪去鳥通
平生遊楚興對此轉無窮

賦得履送衍上人

穩稱遊方脚新編楚岸蒲
清欺峰頂石危怯世間途
輕曳愁妨蟻高飛笑化危
上堂聲每衆度嶺影還孤
著屐朝行道抱時夜結趺
空山欲相訪落葉去踪無

聞蛙

何處多啼給荒園暑溽天
肢跳泥活活形散草芊芊
野遠呼相應窪深樂自專
斜陽漁罩外細雨客燈前
莫問官私地聊占水旱年
晴思蒲葉渚涼憶稻花田
高士聽空愛遷人食未便
洒灰誰解去安我夜窓眠
聖壽節早朝

天塔

聖園昌流虹叶夢祥飛龍
起江左戰馬放山陽御抑
垂間閭仙挑熟建章遠人
陳貢篚近侍泥爐香金鏡
千秋錄瑤池萬歲觴小臣
欲拜手堯日正舒長
洪武二年十月廿露降後
庭栢樹

上出示侍從臣啓獲預觀嘉瑞因賦詩頌之

和氣融為液中宵墜碧天
光溥高栢上瑞發內庭前
見日朝還沍經風晚盡堅
芳穠蜂蜜滑的礫蚌珠圓
厚澤歌難喻沉疴飲易痊
願言同聖德濡沃適周旋

冬至車駕南郊

駕動百靈訶齋宮午夜過
禮什因日至樂奏合雲和
配祖崇周典祈年陋漢歌
壁陳孤月滿燎發衆星羅
秩秩威儀盛穰穰福祉多
慶成應預喜四海沐

恩波

禁中堂

君王元尚儉臺殿忽瓊瑤環素凝宮治飛花綴苑條
坊鷄驚曙早伏馬喜寒驕金扇開時看丹墀掃後朝
台司呈賀表樂部奉仙謠須信陽光近都先別處消
封建

親王 賜百官宴

漢運初興日周藩並建年辦方分社土當陞列宮縣
上相傳金冊中官開綺筵誓期山作礪
恩瀉酒如川仙李千枝茂天潢幾派連百僚咸醉喜
拜舞赤墀前

送安南使者杜彝卿還國應制

安南初入貢朝廷遣翰林學士張以寧賁

詔冊其主爲王及境而薨其世子遣彝卿

來告哀且請命及還 命朝臣賦詩送之

南粵知王化來庭喜最先地書通漢日貢紀入周年

號冊臨臨境容衣忽掩泉使象

天語咭嗣許國封傳曉 開晴飛鳳炎溪晚墮鳶旌

來時物異存致

聖恩全 詔去開蠻霧帆歸望海天但脩忠順節毋

業自綿延

送高麗賀正旦使張子溫還國

丹鳳雲中開玄菟海外城新陽初獻歲遠使盡朝京
弁服充王貢珠旒仰

聖明花飛辭上國日出指歸程車餞都亭晚帆開島
嶼晴莫辭頻入賀寶曆萬年盈

送鮑脩撰出官關中

辭朝西入陝車發動征塵小吏行時熟啼鴛別處頻
關前周故尹灞上漢遺民直院青綾舊臨川亦組新
山運樂遊苑樹繞富平津君去方年少還能論過秦
送恩公還江心寺

上人屋竇地勝處似金山樓閣開天界波濤隔世宗

鍾聞孤嶼外剎出亂雲間螺女晨修饌龍君夜叩關

遊方來暫會辭 關去難攀舊業菱生沼離城柳暎

灣衣霑爐氣出船載磬聲還施貝來江估持經地島

蠻諸緣除未早半偈悟猶難安得如康樂登臨此共

閒

喜楊榮陽赴召至京過宿寓館

忽作天涯會渾銷歲暮哀高城三鼓動虛館一尊開
隣馬嘶空檻江鴻過廢臺飲餘寒色退談絕雨聲來

涉惠功名倦忘歸故舊猜 關前新應詔須議子雲才

長洲苑

中國久無伯圖恩聘功講蒐開別苑訓武出離宮
宰詔應泰乘巫臣寔御戎鼓鳴深谷應置掩廣場空
遠曳指雲旆高穹射月弓三驅儀已畢七伐步還同
甲騎從與後城眉侍幄中養胎須紫豹師掌得玄熊
樂事方難極英圖忽易窮城迷歌黍客地屬米莠童
輦道崩秋雨旗門失晚風大亡競肆狡人去雄爭雄
草樹迎蕭索湖山罷壽慈猶疑見獵火寒燒夜深紅

詠花池

桃枝無杏枝春色繞宮池正愛紅繁處還憐綠淨時
蒼香泛幽吐媚影照清漪垂條看妓折墮萼見魚吹
玉泓明月瀉舟逐彩霞移水流花落盡君王醉不知
送高麗貢使還國

鳳閣層霄上苑城積水東

大君方啓運絕域盡朝宗錫命分青土趨班列紫宮
船歸曉日出帆掛候西風雨露何沾渥華夷已混同
聖心非悅貢惟念遠人忠

韓新王

宋室中興日將軍武畧優功宜超賈鄧名止並張劉
白馬空南渡黃龍竟北游擔槍諸部種還報兩宮讐
朝使頒金冊邊人織錦裘躍戈衝野陣橫棹截江流
殘虜亡魂走中原指掌收未終藩閫寄已感廟堂謀
坐散熊羆士耳臣犬豕酋和戎詞易屈復漢志難酬
關雋吳山曉陵荒輦樹秋蕉頗歸耒老郭令罷誰留
折檻言徒切藏弓勢可憂俄看星隕壘永使陸沉州
感慨思前代淒涼吊古丘劍芒埋帝氣碑蘚剥螭頭
石騎嘶風雨山僧護檣楸鼓旗何寂寂簡冊謾悠悠
父老悲猶在英雄事已休棲鴉嶺前墓聞說更堪愁

石井泉

清源生石脉冷逼煮茶亭淨映銀床色明開玉鑑形
分秋歸客鼎汲月貯僧瓶樹影沉泓碧苔文漬壁清
鑿中甞可滌醉後嗽堪醒品第宜居首誰羞舊水經
焚香

艾蒺山中品都夷海外芬龍洲傳舊揀燕室試初焚
奩印灰縈字爐呈玉鏤文乍飄猶掩冉悵斷更氤氲
薄散春江霧輕飛曉峽雲銷逢憑宿火度遠託微薰
香物元無跡游空忽有紋天絲垂裊集池浪動汎云
異馥來千和祥霏却衆輦嵐光風卷碎花氣日蒸熏

燈地宵同歇茶烟午共紛
寒帷嫌放早引七記添勒
梧影吟成見鳩聲夢覺聞
方傳媚寢法靈著辟邪熱
小閣清秋雨低簾薄晚照
情慙韓掾染恩記魏王分
宴客留鵲侶招仙降鶴群
曾携朝罷袖尚泥舞時裙
囊稱縫羅佩簫宜覆錦熏
堂空搗桂素壁漫塗芸
本欲牽童子何須學令君
忘言深坐處端此謝塵氛

詠臺

的的綠愁得濛濛與醉和
輕隨雲浩蕩暗越嶺嗟峨
夜店嗟偏短春闌想最多
閑山歸識路江渚去凌波
梁落中宵月樓橫欲曙河
隔簾休警鵲近燭任飛蛾
遊遠寧煩載穿深豈畏訶
寒驚瑤作障暖戀錦成窩
蝴蝶誰家信驚鶯別浦歌
靜嫵風動竹閑怯雨鳴荷
穿塵窓倚紙低遲帳捲羅
知情唯枕共送恨忽鍾過
鴛袂香猶在朱絃字不磨
記來還彷彿尋去已蹉跎
宿爐芬餘麝殘絳暈淺螺
憂歡情總幻離合事皆訛
池上吟芳草庭前覓舊柯
既因思是種復念曠為魔
易斷俄如此難憑竟若何
陽臺莫重問千古喚巫娥

荅胡博士留別二十韻

世緒名臣後聲華俊士前
棘塲曾中的芹水舊鳴絃
遠道秋風褐空齋夜雨羶
倦游驚齒暮多難喜身全

孤客愁王繫諸生老鄭玄
未應心戚戚還是腹便便
杜曲無歸業成都有卜錢
我方辭

關下君尚隱江邊久話燈
催剪頻過榻解懸擇隣欣
得地結友愧忘年牧逕依
門轉漁梁近渡連舊盟尋
白鳥餘俸買烏犍流水空
塘樹疎林破屋烟詎憂窮
作崇但欲醉成仙政爾交
歡密俄然別恨牽湖山入
苑路鷄天載家船離索方
堪嘆分携益可憐殊鄉難
託主薄俗易輕賢寒浦通
潮處春城罷雪天梅花未
宜折持送只詩篇

戲嬰品

芍藥風欄側梧桐露井傍
嬌嬰爭晚戲少婦閉春粧
共詫珠生蚌還憐玉產岡
半披文錦解斜佩紫羅囊
額髮藏粧短胸胞細膩光
庭前王氏子陌上衛家郎
弱草身眠軟芳莢手弄香
隨人貪作劇避伴學迷藏
莫撲花蝴蝶宜為蝶鳳凰
塗添雲母粉浴試水沉湯
麟送徐卿宅蘭生謝傳堂
愛均看總好年並比誰長
驥種雖難匹鷄雛已作行
欣君得此畫真是夢然祥

高太史大全集卷之十四

吳郡高啓李迪著

南州徐庸用理編

聯句

舞劍聯句

與會稽張憲夜飲觀銅臺李壯士舞劍而作

晚陌息鳴鑣憲秋成起嚴折登堂欣有會啓顧塵歎
無樂豪賓奉觴壽憲壯士掉箭作韵生飈拂鐔啓文
綴星輝鏗拭土色纔動憲映火光轉爍寒瀉走澗泉
若明懸溜蒼澤徒誇刀瑩膏憲謾詫七淬樂腥疑人
血軋啓威攝兇踪鏢雄間莊子說憲醉想玉郎斫聯
翩倏鴻濤啓奮迅仍雀躍來如龍出淵憲去若蛇赴
壑疾驚雷破山啓怒訝風捲漠初馳帆縱張憲忽注
弩弛曠陰陽變開闔啓潮汝隨進却高步赴節同憲
奇形分狀各斜迴象翼啓曲踊肖拏攫欲驚西方
帝憲凜怖東海若屋翻影紛綸啓地勢揮霍亂思
突騎奔憲低見飢隼掠旁分萬夫斷啓前拉千槍拓
出堪劫齊壇憲立可當蜀閣澤聞蛇姬啼啓路遇核
翁搏斬關豁然判憲擊柱鏗尔著陸疑濤涌床啓宵

駭虹闖幕警樓已翻翻憲墜搞俄索索顛旭曾悟書
啓俠軻記爭博目花匪酒洒憲膚粟似裘薄忠義氣
盡張啓奸邪膽俱落不從玉玦計憲欲定銅臺約未
數大娘強啓終勝處女弱李路袖手欽憲斐旻汗顏
忤疾視誰敢當啓不成我慙學勇夫怒生癩憲恐僕
戰成瘡功收刺虎奇啓志感聞鷄惡暫停月徘徊憲
既罷天寂寞崆峒詎必倚啓氛侵行可廓馘妖正思
今憲斷佞猶纂昨會合固有期啓死生良欲託寧憂
武庫灾憲但俟凶門鑿慷慨勿悲歌啓淋漓且酣酌

劍池聯句

與張憲金起王偶同賦

飛梁上當空憲直壁下挿水兩樹交古陰啓孤亭倒
清泚初至意已愜憲再陟神亦靡氣消因龍藏起骨
朽山鬼死蒼崖出仙詩啓金藏閨僧史伯圖渺何在
憲世事倏如此佳遊信難遭啓壯志良未已凭欄瞰
神州啓起樹羽訝軍壘未靚煙塵清憲且耽林壑美臨
風揮一觥憲懋石脫雙屨驚啄朱果殘啓蜂抱黃英
委琴咽斜陽蟬憲棋戰欲雨蟻潯暑避松簷啓輕涼
透藤椅瞑目思黑甜憲潛心翫玄旨籟響破虛寂啓

香飄開旖旎飯鍾隔煙來烹樵笛呼月起整轡或僕
夫啓揖報謝釋子龐聲吹喧呵叱騎影歸追還餘戀
尚眷然啓重來那復爾明發抗塵容何由繼芳趾
病栢聯句

與青城杜寅郊郡徐賁遊白蓮寺見病栢
而作

抱質維輪囷託根何坎壈死色見已深生意存猶
頗老啓枿焦半身餘葉禿偏髻賁思謝漢陵春灾非
陸渾大寅柯傾痺待扶節漏瘡思累啓下窺封虬蟬
上穴綴螺贏賁風欺聲告哀兩冒汗憎穎寅蟄空虺
喜容攀脫猿愁墮啓將斷豈中梁欲割詎宜舸賁蓋
奔缺青葱梢枯辭荷儺寅之子供爐焚無陰庇休坐
若露盡啄鳥飢巢傾蹟鶴跛寅臙形慘若冠突腹腫
如果寅藤纏偶假鞋蘇剝每慙裸啓主惜覲匠頗樵
窺避僧過寅土瘠力易衰岩危勢難安寅殺懼苦霜
仍暨期甘露可啓成器未為福不材反迺禍寅依林
尚支撐亞石猶磊砢寅閨歲失貞姿承陽愧纖朵啓
採辜孔語稱名負杜吟播賁敢要秦樹封執效禹梅
鍾寅蟠深漫欲踞架重寧堪荷啓氣同生固均數異
測誠賁責膏乾燃不明屑墜掃還夥寅客伶弔賦悲

童棄培功情啓終護竟煩誰今看幸遭我責

風雨聯句

與會稽張憲在報恩佛寺遇風雨而作

育風歎天興憲凍雨翻海湧魚蝦落半空啓蛟龍聞
中野憲吞九河黃憲功潤千里緒怒疑決沙囊啓振
評摧屋瓦橫行天兵駛憲大笑電毋哆乾坤發生多
啓道路喝死寡淪漲濤涌川寬早去煙滅冷谷號竟
誰噓啓木撼不自把神靈貞悅愧憲造化非苟且初
占月離畢啓又駭泗浹社必變其聖乎憲弗迷唯舜
也陰岑氣如炊啓高葉聲若打陽烏鞘不見憲乾鵲
噤皆啞重翳晦復明啓餘點歌還灑雖悅灌園人憲
應愁渡江者侍王笑楚賦啓及我慙周雅避思泰山
顛憲戰憶昆陽下雄夫七易失啓各士蓋難假既露
想大田憲廣庇思巨厦枯槁向晚停啓統翦未秋捨
亂號官私蛙憲莫辨來去馬卧驚浪喧耳啓歸恐泥
沒課勿憂卷茅屋憲且喜憇蘭若民期歲有登啓國
荷天錫憲淑澤宜載歌憲新篇試姑寫啓

虎丘聯句

與潯陽張羽太原王行郊郡徐賁遊虎阜
用壁間顏魯公韵作

山遊期屢阻風雨過今春偶遂林泉賞仍同里閑
親行樹重迷卓午花盡謝芳辰啓事往非前代僧逢
是故人黃金精虎氣寶藏衛龍神羽妖魄伶埋王
仙詩看勒登厨有供村遠寺無隣池古寒
泉定林新井名猶記羽樓姓尚題陳羽步
方循迴繞已待津行綠雖喧寂異妄本去來均
磨壁追高韵應懸繼後塵

蓮房聯句

與金華宋璉張孟燕作

露冷鏡湖秋 蓮波涼練塘晚盤翻綠雲稠 燕錦破朱
霞少新苞顆微綻 餘葩莖尚嫋瘦 璉綴寒蠶 璉尖
咏啄青鳥下 惟玉龍眠 燕中有璉絲 裴重柄欲折
落含深晴尚宿 璉孤懸類覆盃 燕雙立疑擢表 落初
成欣雨滋 燕漸老怯風掉 落多子同根 裴獨婦專
房悄 璉粧卸失 璉娉 落歌來逢窈窕 璉剖心效諫忠
燕並頭呈瑞兆 落馬蹄密窠 璉魚目微光皎 落珠
玕落架多 落璉貯囊小 璉空實外莫辨 落甘苦中自
了 剝殘星滿地 燕盡香餘沼 落雕筵釘戢戢 玉蟲攢
擾擾 送看出小艇 薦喜對清醕 燕新嘗勝江 落遠覓
迷水 裴褰芳想 落初啓感物傷秋 抄聊茲發吳 落誅

一覽煙水渺璉

六言律詩

夫差女璉姬墓

夢別芙蓉殿 頭墮釵零落 誰收土昏青 鏡忘曉月冷
珠襦恨秋麋 鹿昔來廢苑 牛羊今上荒丘 香魂若怨
亡國莫與西施共遊

甫里即事四首

長橋短橋楊柳前 浦後浦荷花人看旗 出酒市鵲送
船歸釣家風波欲起不起煙日將斜未斜絕勝茗中
剡曲金盞玉鱸堪誇

江村樂四首

荷浦張弓射鴨柳塘持燭叉魚天隨子宅同里陶朱
公祠近屋

一犬行隨餉植群蛾飛繞綠車江邊女去摘芙蓉裏
人來賣茶

冒掛漁郎舍外船維酒媪橋邊烟波五湖朝渡風雨
孤村晝眠

日斜深塢牛卧潮落平沙蟹行秋社未開綠醞夜炊
初堆紅杭

讀道旁舊家碣

上題曰宋黃澹翁先生之墓

古路斜陽廢城斷碑荒草殘塋莫嘆童童堅樵牧不識
先生姓名

楊氏山莊

斜陽流水幾里啼鳥空林一家客去詩題柿葉僧來
供煮藤花

陶秘書廣陵送別孟

暮雨潮生瓜步春山樹繞蕪城惆悵離舟欲發江南
煙寺鐘聲

七言近體

大駕親祀方丘選射齋宮奉次

御製韵

真壁方壇晚祝釐豹竿風動從靈祇獻符多士詞昌
運毫蹕諸蕃觀盛儀郊軼貫侯初復古汾祠獲鼎米
云奇山川效靜年多穀神荅
皇心定有期

奉迎

車駕享太廟還宮

鳴蹕聲中曉仗迴錦裝駟象踏紅埃半空雲影看旗
動滿道天香識

駕來漢酎祭餘清廟閉舜衣垂處紫宮開禮成海內
人皆慶獻頌應慙自乏才

晚登南岡望都邑宮闕二首

落日登高望

帝畿龍蟠山下見龍飛雲霄雙闕開黃道煙樹三
宮接翠微沙苑馬閒秋獵罷天街車闕晚朝歸明
朝欲獻昇平頌還逐仙班入瑣闥

秦金不厭氣佳哉紫蓋黃旗此日開殘雪已銷鷓鴣
觀浮雲不隱鳳凰臺山如洛下層層出江自巴中渺
渺來六代衣冠捲塵土幸逢

昌運莫興哀

奉天殿進元史

詔預編摩辱

主知布衣亦得拜龍墀書成一代存殷鑒朝列千官
備漢儀漏盡秋城催仗早燭明春殿卷簾遲時清機
務應多暇閣下從容幸一披

九日陪諸閣老食 賜糕次謝授經韻

叨陪講席按詞曹晚禁霜花點素袍院貯畝書西掖
靜雲連宮殿北山高故園莫憶黃花酒 內府初嘗
赤棗糕最愛鳳毛今復見便令池上一揮毫

送沈左司從汪叅政分省陝西汪由御史中
承出

重臣分陝去臺端實從威儀盡漢官四塞河山歸版
籍百年父老見衣冠函關月落聽鷄度華岳雲開立
馬看知爾西行定回首如今江左是長安

吳僧日章講師赴

召備蔣山晉度佛事既罷東歸送別 二首

萬人擁座聽潮音寶刹曾迂

王駕臨佛法曉敷三藏秘

帝恩春及九原深鐘山坐處花頻雨練浦歸時樹欲

陰擬問楞伽嗟已別楚江飛錫暮沉沉

故卿未解識清容却在金陵

關下逢中禁曾分齋鉢飯上方時叩講筵鍾一帆細
雨迢迢浦半塔斜陽靄靄峰相送師歸忽多感飛雲
亦戀舊依松

清明呈館中諸公

新煙著柳禁垣斜杏酪分香俗共誇白下有山皆繞
郭清明無客不思家卞侯墓上迷芳草盧女門前暎
落花喜得故人同待 詔擬沽春酒醉 京華

金陵喜逢董卿併送還武昌

兵後恣恣記別離兩年音問不相知武昌樓下初來
日幙府門前忽見時上國花開同醉少大江潮落獨
歸遲莫嗟握手還分手此會從前豈有期

送易左司分省廣西

朝廷特念遠民深盡省分官出桂林油幕乍開依漢
節丹衣時到貢蠻金四時花發山多暖半日嵐開市
尚陰虞帝祠前黃竹裏相思莫聽鷓鴣吟

送王檢校騎赴北平

十年同舍客京華看遍龍河寺裏花繞進史書朝
日下便紆官綬去天涯平蕪遠塞秋驅騎衰柳遺宮

晚啼鴉莫道窮邊成久別待君歸草王堂麻

京師秋興次謝太史韵

柳外秋風起 御河京華客子意如何
伎同北郭知 應濫倖比東方愧已多
梁寺鐘來殘月落漢宮砧斷
早鴻過不材幸得同越
閱幾度珊瑚候曉珂

送祠江漬使者

源發岷峨萬里通西香迢遞問齋宮
神馳白馬靈光 近祝奉玄牲禮秩崇
驛下換船潮湧日廟前沉璧水
迴風重煩使者徽多福南國無疵黍稷豐

送葉判官赴高唐時使安南還

銅柱崖前使節過貢隨歸騎入京多
一官暫遣陪成 璫片語曾煩下趙陀
曉拜賜衣辭 絳闕秋催征棹
渡黃河政餘好賦登臨咏聞說州人家美歌

祈師見訪鍾山里第

風雨孤舟寄一僧遠煩相覓到金陵
青衫愧逐塵中 馬白拂看塵座上
蛇事去南朝猶有恨夢歸北郭已
無憑文章何用虛叨祿只合從師問上乘

寄題安慶城樓

層構初成百戰終憑高應喜楚氛空
山隨粉堞連雲

起江引清淮與海通遠客帆樯秋水外殘兵鼓角夕
陽中時清莫問英雄事回首長煙滅去鴻

送鄭都司赴大將軍行營

上公承 詔出蓬萊立馬風煙萬里開
賜履已分無 棣遠舞戈還見有苗來
牙前部曲多收績帳下賓僚 更倚才後夜軍門知子到即星應是近三台

送朱謝二博士進賀冬至表赴京師聽

宣諭畢還吳

驛騎雙馳捧綠章都門逢舊喜洋洋
小儒方幸瞻 天近遠使初來賀日長
仗下丹墀晴雪盡朝回紫陌 曉塵香承

宣歸去難留駐乞報平安到故鄉

送王上人還四明育王寺

解夏還尋舊寺樓滿船黃葉過長溪
袈裟影入秋山 遠舍利光懸夜塔
低鵝識講時常繞聽猿知定後不 驚啼却慚擾擾塵中客覺路如今去尚迷

送吳生赴汴省其父指揮

都亭槐雨淨朝埃彩服逢秋試剪裁
定遠未歸雙節 在孝廉初去一船開
城依梁苑煙中閑河繞隋堤樹 裏來家慶拜餘尊舊跡夕陽騎馬過繁臺